esh .

1613

GAZETTE

DES ESTATS; & de ce temps.

Du Seig^t gio seruitour, de Piera grosa:

Traduite d'Italien en Francois le premier Ianuier

M. DC. XV.

14-11

Acc 83-101(162)

GAZETTE

DES ESTATS, Et de ce temps.

ÆSAR en son quatriesme liure des guerres des Gaules, parlant des François, dit, qu'ils ont de coustume de contraindre les passants de leur dire des nouuelles, voire malgré qu'ils en ayent, tant ils sont curieux de s'enquerir, & aprendre ce qui est de nouueau: Il auoit raison, & ie l'ay trouué veritable, au voyage que i'ay fait ces iours passez à Rouen, y estant arriuéie prins pour logis la Foy, où i'ay accoustumé de loger, parce que c'est vn des meilleurs logis, & qu'il y a tousiours bonne compagnie: A ce voyage nous nous trouualmes le foir plus de vingt-cinq à table: l'on ne l'eust pas desservie, que le Seigneur de la Marre, gentilhomme qualifié. & qui de long téps me fauorise de sa bienveillance, s'enquist de moy des Estats & de la Cour, ie m'excusay pour n'y auois

Entree: A peine j'eus acheué de m'excuser, que la compagnie print la parole, disant que telle excuse n'estoit de mise ny receuable, que ma mine leur faisoit croire le contraire; & que ceux que la necessité des affaires contraint de rouler incessamment par Paris, en oyent d'auantage que les autres, adjoustat qu'il n'y auoit pas apparence que la curiosité ne m'eust porté de voir parfois l'issuë de Messieurs les deputez: si qu'il n'y eut aucun de la compagnie qui n'eust quelque raison pour me disposer à les entretenir: leur qualité, leurs prieres, la curiosité que nostre nation a tousiours recogneu aux François, me força en quelque façon de leur dire, Que partie des deputez des Estats, auoient demeuré deux mois & d'auatage, auant que d'arriuer à Paris, nonobstant les diuers mandemens du Roy & de la Royne, & que pendant ce temps les autres (aux despens des Provinces)n avoient fait autre que dedisputer des presseances, que les Archeuesques auoient commencé, jaçoit qu'en nostre pays l'on croye que celuy de Lyon doir marcher le premier, & qu'il a esté ainsi decidéaux Estats generaux de Tours,

de Blois & autres precedents. Que les Euesques les auoient voulu imiter, mais crainte que les Abbez & autres Ecclesiastiques n'en fissent le mosme, qu'ils avoiet quitté ce differet : de maniere qu'ils n'obseruent à present aucun ordre de seance entr'eux, que celuy du merite, soit par humilité où autrement, considerant que, Vbi est superbia, ibi est contumelia, vbi auté est humilitas ibi sapientia, ou ce que disent les prouerbes, Ne glorio (us appareas coram rege, 🔗 in loco magnatum ne steteris; melius est enim Ve dicatur tibi ascende, quam Ve humilieris coram principe: ou le dire de sain & Mathicu, quicunque Volucrit inter Vos maior fieri, sit Vesterminister: & quicunque Voluerit inter Vos primus esse, erit seruus Vester. Me trouuant au bout de ma science, ie leur dis que parauanture ils auoient quitté ce point d'honeur, memoratifs de ce qui estoitarriué aux Estats de Pologne l'an 1600, sur semblable dispute qui arriva entre les Palatins dont l'vn d'iceux bouffy de vanité, n'estat voulu entrer en l'assemblee, sachant que la place qu'il pretendoit estoit occupee, ains demeurer à la porte auec sa suite, il fut prié & sommé d'entrer, ce que n'ayat vou-

lu faire pour le sujet susdit, le Palatin qu'il desiroit preceder d'vne promptitude Polonoise dit à la compagnie, Sinoluerit Venire nobiscum, ascendat in cœlum, ponat sedem sua in aquilonem, & erit similu altissimo. Et partat qu'il avoit esté plus à propos que les deputez du Clergé eussent procedé en ceste sorte, que de disputer plus longuement à poindiller sur cest honneur, qui n'érichit le peuple, lequel suë & trauaille incessammet, pour auoir moyen de les entretenir, esperat qu'ils apporteront quelque remede à leurs maux: dequoy ils desesperet, attendu le desordre qui est arriué entre les deputez de la Noblesse & le tiers Estat: Ils, me prierent soudain de leur en faire le conte, n'ayat esté aux Estats & assemblees d'iceux, i'auois iuste subject de m'en excuser: toutesfois ié le leur vendis ce qu'il m'auoit cousté sans y rien gaigner. Ie leur dis doncques sur le raport d'un qui se fait à croire de le sçauoir fidellement, que ce mois dernier les deputez de la Noblesse s'estoient assemblez auec le Clergé, sans appeller le tiers Estat, jaçoit qu'il soit vne partie de ce corps, qui doit estre inseparable: & qu'en ceste assemblee le Clergé &

la Noblesse auoient proposé de supplier sa Majesté de vouloir esteindre la Paulette, ou en tout euenement la suspendre, attendu que d'icelle procedent l'impieté, l'injustice, les rapines, concussiós & autres malversations qui sont au Royaume; lesquelles à vray dire, insensiblement l'acheminet aux derniers traicts de la mort, & sur ceste resolution, que l'Euesque d'Averanche personnage d'experience & hardy, auoit esté deputé auec certains de la Noblesse, pour en faire la tres-humble supplication à sadite Majesté & à la Royne, & que ledit Euclque par ses raisons y auoit tellement disposé S. M. & la R. qu'il en auoit obtenula suspension pour vn an. Que les deputez du tiers Estat en ayant eu le vent, pour leur rendre bille pareille, s'estoient assemblez & conclud entr'eux, de remonstrer à sa Majesté, que puisque sa volonté estoit telle que de vouloir suspendre ladite Paulette, qu'il estoit raisonnable & tresnecessaire d'esteindre les pensions de la Noblesse, parce que ladicte Paulette suspenduë, ses finances ne pouuoient aboutir au payement des grandes & excessiues pensions qu'elle donoit à lad. Noblesse, de

laquelle par ce moien elle acheptoit à prix d'argent la fidelité, que quelque semeur de zizanie en ayant donné aduis à quelquesvns de la Noblesse, qu'elle s'estoit assemblee qu'elle auoit enuoyé au Roy, & que sur l'esseurace qu'il leur avoit faict de leur en faire raison, qu'ils s'estoient moderez en quelque façon, & que sur les diverses coruces qui se faisoient pour ce subiect, que ledit tiers Estat auoit mandé vn certain President d'illustre maison & bien a. langagé, lequel affeuré de ces deux qualitez, leur auoit faict vne harangue, par laquelle il leur auroit monfiré, qu'ils ne se pouvoiet offenser de ce que l'on avoit representé au Roy, pour les raisons qu'il içeut mieux dire que l'on me les a sceu representer. Que la Noblesse en estant demeurée satisfaicte, ledit President se seroit retiré pour en asseurer les deputez du tiers Estat:mais qu'il n'auoit pas esté hors de la porte, q'vn de ceux de la Noblesse deust dire à la copagnie que le tiers Estat auoit bien fait d'envoyer ledit President, que s'il cust enuoyé celuy qui avoit tenu tels difcours au Roy, qu'il l'eust fallu remettre & recommander à leurs lacquais, ouluy do-

her tant de coups d'esperons qu'il appri, à parler. Comme en toutes compagnies il y a tousiours des Sabins & des babillards, qui ont trop de langage, cela fut rapporté le jour mesme à ceux du tiers Estat, lesquels animez, apres auoir longuement roulé des Augustins au Louure, & du Louure aux Augustins, à l'insceu du Roy & de la Royne, envoyerent le plus hardy de leurs deputez declarer à la Noblesse que ce qu'ils auoient dit au Roy es toit vray, & qu'il y anoit cent mil hommes à Paris pour le foustenir. La Noblesse fort esbahie de ceste ambassade & nouveau changement, à la façon accoustumee; repartit promptement, que l'on auoit mangédes rats à Paris, & que l'on le pourroit faire derechef: Le Roy aduerty de la continuation de ce desordre, asseuré de la prudence de la Royne, par le moyen de laquelle la France a surmonté son malheur, continué l'heureux cours des prosperitez que luy auoit faict prendre le feu Roy Henry le Grand, la prie d'y remedier, par les moyens les plus convenables: Que soudain ceste sage Royne avoir dissipé ces monuements par la mediation de MonLigneur le Prince de Condé, qu'elle enuoyast aux deputez, pour asseurer les vns & les autres qu'elle leur feroit iustice, leur commandant de s'employer soigneusement à ce qui estoit de leur charge, & afin de diuertir leurs passions de cest objet, les auoit occupez en quelque affaire que modit sieur le Prince asseura requerir prompte deliberation, que par ceste industric & diuertissement le temps avoit dissippéles broulliars & nuages des vns & des autres: ils louerent soudain vnanimement la prudence & dexterité de la Royne qui auoit sceu si doucement pacifier vn differet que l'o n'estimoit pas se finir sans esclat. le leur dis que s'estoit sa coustume, & que depuis elle l'auoit tesmoigné en vn affaire de con sequéce qui regardoit le sieur d'Esperno, pour contenter leur curiolité: le leur dis qu'il y auoit quelque temps que deux foldats des gardes s'estoient battus en duel; que l'vu d'iceux ayant esté tué, l'o l'auroit porté aux prisos de S: Germ. & que l'autre inopinémet des maçons l'auoiet conduit esdictes prisons, pensant d'aller à l'hostel de Monseigneur le Duc de Vantadour: de quoy oftant aduerty ledit Sieur d'Esper-

non, qu'il avoit mandé au luge du dit lieu de luy remettre ses prisonniers; qu'il n'ignoroit pas sa qualité & le pouvoir qu'il auoit de former les procez aux soldats qui contrevenoient tant aux loix militaires, qu'Edicts du Roy: à quoy ledit luge n'ayant voulu deferer, qu'il s'estoit animé en sorte qu'estant allé ausdites prisons accom pagné de bon nombre de Noblesse à son accoustumé, & de deux compagnies qui sortoient de garde, que sur le refus reiteré que luy en auroit esté fait, qu'il auroit brisé la porte desdites prisons, & soudain fait enleuer tant ledit corps, que le dit prisonnier: quelques jours apres estant au Palais sur les dix heures, ie le vis arriver auec sa suitte ordinaire, la quelle sans quitter les esperons auoit entouré & trauersé la salle du Pallais, plusieurs croyent que c'estoit pour brauer les Cleres d'iceluy; d'autres qui estojent informez du brifemet susdit, disoient que la Cour ayant faich informer contre luy occasion de ladite supture, que par arrest elle auoit decerné adiournemes pérsonnel contre luy, & que pour n'attendre qu'il fust executé, qu'il estoit venu comparoir en personne. Or comme c'eRoit sur l'issuë & sortie de ladite Cour, lon dit que quelqu'yn de sa suitte, plustost par mesgarde & inaduertance, qu'à dessein, auoit heurté quelque Conseiller de la Cour, & qu'à ceste, occasion elle auoit fait diverses formalitez contre ledit sieur d'Espernon: mais à la fin par le commande ment du Roy & de la Royne (ayant representéen Capitaine les services par luy cy-deuantfaicts, & monstréque ses desseins ne devoient estre interpretés sinistrement) ladite Cour le 29. Nouembre dernier, ayant elgard aux commandements de S.M.& de la R. tant par lettres à cachet du 24. Novemb. que relation de leurs volontez par ledit S' Duc de Vantadour, & à la iustification, qui l'apoit satisfait, se leroit plus arresté à luy recommander la cotinuation de ses services à la Couronne, qu'à luy faire des inhibitions & defences: ce qui seroit arrivé contre le gré, desir & volonté de ses haineux, qui se porterent trop passionnémei & ouvertement contre luy en ceste occasion, partie de la compagnie iugoit qu'il auoit peu faire ce qu'il fit: quelques autres soustenoiet opiniastre met le contraite, come veritablemet il ne

le deuoit faire, ayat restably les prisoniers en l'estat: S'estonnants de ceste nouuelle, ie leur dis qu'en ce que dessus il n'y auoig rien digne d'estonnement, que le procedé de de la Cour m'auoit plus esbahy que tout le reste, parce que depuis la S. Martin iusques au troisiesme Decembre, tous affaires de Iustice auoient esté surcoyes: en forte que l'on n'a peu acheminer aucun affaire, ny auoir aucune sorte d'expedition, iusques à ce que ce different fuit vuidé. A propos de vuider, dit l'vn de la compagnie, Messieurs des Estats, comme ont-ils vuidé l'article du Cocile de Trente: ieleur dis fort succinctement, que le Clergé y auoit vaqué long temps, & qu'en fin ils auoient bien resolu de prier le Roy de le receuoir, que ceux de la Religion en auoient esté aduertis, & qu'il ne se parloit d'autre à Charanton: toutesfois qu'ils se donnoient mal de teste pour leur plaisir, d'autant que les modifications estoient si amples, qu'il ne sembloit pas que sa receprion alterast l'Edict de Nantes, prejudiciast aux libertez de l'Eglise Gallicane, ny rendist les François plus Romains qu'auparauant. Plusieurs voulants continue

ces d'scours, ie leur dis que i'estois harasse du chemin, & qu'il estoit heure de se retirer, ils en surent d'aduis, leur donnant le bon soir, ils me prierent ne changer de logis allant à Rouen, & qu'ils aymoient ma conversation, ie leur promis de le faire, & de leur dire à mon retour le succez des Estats.



